



Polisi ar ddefnyddio Archwilwyr Allanol ar gyfer gwaith ar wahân i archwilio

Corff Cymeradwyo: Y Pwyllgor Archwilio, Risg a Sicrwydd

Dyddiad Cymeradwyo: 16 Tachwedd 2018

Perchennog y polisi: Ysgrifenyddiaeth y Brifysgol

Cyswllt y polisi: Geraint Pugh, gop2@aber.ac.uk / 01970 62 2114

Statws y polisi: Diwygiwyd

Adolygiad diwethaf: 16 Tachwedd 2018

Dyddiad adolygiad nesaf: 31 Rhagfyr 2019

Polisi ar ddefnyddio Archwilwyr Allanol ar gyfer gwaith ar wahân i archwilio

1. Cyflwyniad

Mae'r polisi hwn ar waith i liniaru unrhyw risgiau sy'n bygwth, neu sy'n ymddangos fel pe baent yn bygwth, annibyniaeth a gwrthrychedd y cwmni archwilio allanol mewn perthynas â darparu gwasanaethau nad ydynt yn rhai archwilio, ac mae'r polisi hwn yn berthnasol i'r holl weithgareddau gan gynnwys is-gwmnïau Prifysgol Aberystwyth.

Mae'r polisi hwn yn unol â'r argymhellion a nodir yng Nghaneliau'r Cyngor Adroddiadau Ariannol (FRC) ar Bwyllgorau Archwilio (2016) a gofynion safon foesebol ddiwygiedig y FRC (2016). Yn unol â'r argymhellion a'r gofynion hyn, bydd cwmni archwilio allanol ond yn cael ei benodi i gyflawni gwasanaeth pan fyddai gwneud hynny yn gyson â gofynion ac egwyddorion trosfwaol y safon foesebol, a phan fydd ei sgiliau a'i brofiad yn ei wneud y cyflenwr mwyaf addas.

O dan ddarpariaethau'r Cod Cyfunol ar lywodraethu corfforaethol, mae'n ofynnol i'r Pwyllgor Archwilio, Risg a Sicrwydd oruchwylio'r berthynas â'r archwilwyr a chadw natur a graddau gwasanaethau nad ydynt yn rhai archwilio o dan adolygiad.

Mae'r Brifysgol yn tendro ar gyfer darpariaeth gwasanaethau Archwilio Allanol, Ymgynghori Treth ac Archwilio Grant drwy ddefnyddio OJEU (Official Journal of the European Union). Caiff y rhain i gyd eu tendro fel lotiau gwahanol. Caiff y tair lot eu dyfarnu'n unigol ac ar wahân, a gellir eu dyfarnu i'r un cyflenwr neu gyflenwyr gwahanol.

2. Diben y Polisi hwn

Mae'n bwysig nad yw annibyniaeth ein harchwilwyr allanol wrth adrodd i Gyngor y Brifysgol a Phwyllgor Archwilio, Risg a Sicrwydd y Brifysgol yn ymddangos fel pe bai'n cael ei gyfaddawdu, ond yn yr un modd, ni ddylid amddifadu'r Brifysgol o arbenigedd lle bo angen ac y gellir ei sicrhau gan yr archwilwyr allanol yn gyffredinol.

Mae'r polisi hwn yn egluro'r bygythiadau i annibyniaeth archwilio sy'n bodoli'n ddamcaniaethol ac felly mae'n cynnig diffiniad o waith ar wahân i archwilio y gellir ei rannu gan y Brifysgol a'r archwilwyr allanol. Yna mae'n ceisio sefydlu'r prosesau cymeradwyo a'r trefniadau adrodd corfforaethol a gaiff eu sefydlu ar gyfer unrhyw waith ar wahân i archwilio y gofynnir i'r archwilwyr allanol ei gyflawni.

3. Bygythiadau i annibyniaeth

Mae Sefydliad y Cyfrifwyr Siartredig yng Nghymru a Lloegr yn rhestru'r bygythiadau canlynol i annibyniaeth:

- *Hunan-fudd* – lle gallai budd yng nghanlyniad eu gwaith neu ddyfnder perthynas â'r Brifysgol wrthdaro â gwrthrychedd yr archwilwyr;
- *Hunan-adolygu* – lle gallai'r archwilwyr fod yn gwirio gwaith eu cydweithwyr eu hunain ac o bosibl ei theimlo'n anodd dynodi risgiau a diffygion;
- *Rheoli* - lle ystyrir bod yr archwilwyr yn ymgymryd â rolau neu'n gwneud penderfyniadau a ddylai fod yn eiddo i reolwyr y Brifysgol;
- *Eiriolaeth* – a allai fod yn gynwysedig yn yr ymrwymiad ond a allai fod yn fygythiad os yw archwiliwr yn dod yn eiriolwr dros safbwynt eithafol mewn mater lle ceir anghytuno;
- *Cynefindra neu ymddiriedaeth* - lle caiff y lefel o her adeiladol a ddarperir gan yr archwilydd ei leihau o ganlyniad i wybodaeth dybiedig neu berthynas sy'n bodoli;
- *Dychryn* – lle gallai annibyniaeth yr archwilydd fod wedi'i gyfaddawdu

4. Mathau o waith ar wahân i archwilio a'r broses gymeradwyo gysylltiedig

Er mwyn sicrhau trefniadau tryloyw ar gyfer adolygu a datblygu gwaith ar wahân i archwilio heb ormod o faich gweinyddol, cytunwyd ar y tri chategori canlynol o waith fel rhai sy'n gymwys ar gyfer y gwasanaethau proffesiynol sydd ar gael gan yr archwilwyr allanol:

i. Gwaith statudol ac yn gysylltiedig ag archwilio

Ceir rhai prosiectau penodol ble mae'r gwaith yn amlwg yn gysylltiedig ag archwilio ac felly'r archwilwyr allanol sydd yn y sefyllfa orau i wneud y gwaith (e.e. gwaith rheoleiddiol a gwaith aswirio arall; er enghraifft is-gwmni newydd). Nid oes angen cymeradwyaeth y Pwyllgor Archwilio, Risg a Sicrwydd ar gyfer aseiniadau o'r fath. Fodd bynnag, gan gydnabod y gallai'r lefel o ffioedd ar wahân i ffioedd archwilio hefyd fod yn fygythiad i annibyniaeth, awgrymir uchafswm o £25,000 ar gyfer pob ymrwymiad unigol. Dylid ceisio cymeradwyaeth o flaen llaw gan Gadeirydd y Pwyllgor Archwilio, Risg a Sicrwydd am unrhyw swm sy'n uwch na hynny.

ii. Gwasanaethau'n gysylltiedig ag archwilio ac ymgynghori

Ceir prosiectau ac ymrwymadau lle ystyrir mai'r archwilwyr allanol sydd yn y sefyllfa orau i wneud y gwaith:

- oherwydd eu rhwydwaith o fewn y busnes a'u hadnabyddiaeth o'r busnes (e.e. cyngor treth, diwydrwydd dyladwy a chyngor cyfrifyddu)
- oherwydd eu profiad blaenorol neu oherwydd eu bod yn arwain y farchnad.

Cynigir y dylid ceisio cymeradwyaeth o flaen llaw gan Gadeirydd y Pwyllgor Archwilio, Risg a Sicrwydd ar gyfer prosiectau o'r natur hon sy'n uwch na throthwy o £25,000 ar gyfer unrhyw un ymrwymiad.

iii. Prosiectau nas caniateir

Ceir rhai prosiectau na ddylid eu perfformio gan yr archwilwyr allanol. Mae'r prosiectau hyn yn cynrychioli bygythiad real i annibyniaeth y tîm archwilio (fel y diffinnir gan y bygythiadau i annibyniaeth a osodir uchod) fel achos a fyddai'n gosod yr archwilwyr allanol mewn sefyllfa ble byddent yn archwilio eu gwaith eu hunain (er enghraifft, gweithredu systemau). Ceir rhagor o fanylion am bob categori gwaith yn y tabl yn Atodiad A.

5. Proses

Ar gyfer yr holl waith arfaethedig bydd rhaid i noddwr busnes y gwaith arfaethedig sicrhau cynnig cwmpas ac amcangyfrif ffi gan yr archwilwyr allanol drwy'r Cyfarwyddwr Cyllid a Gwasanaethau Corfforaethol cyn dechrau ar y gwaith. Os yw'r ffi'n uwch na'r trothwy o £25,000, dylid cyflwyno manylion y cynnig cwmpas a ffi i Gadeirydd y Pwyllgor Archwilio, Risg a Sicrwydd am gymeradwyaeth cyn cychwyn arni. Os caiff ei gymeradwyo, dylai Ysgrifennydd y Brifysgol gofnodi'r prosiect i'w adrodd yng nghyfarfod arferol nesaf y Pwyllgor Archwilio, Risg a Sicrwydd a'i gofnodi mewn atodlen o waith a ffioedd ar wahân i archwilio.

6. Adolygu a diweddarau'r polisi hwn

Yn eu llythyr archwilio blynyddol bydd yr archwilwyr allanol yn cynnwys atodiad sy'n crynhoi unrhyw waith ychwanegol a wnaed ganddynt i'r Brifysgol a'i his-gwmnïau ac adolygiad o effeithiolrwydd y polisi hwn. Fel rhan o'r broses adrodd honno bydd yr archwilwyr allanol yn gofyn i'r Pwyllgor Archwilio, Risg a Sicrwydd gytuno'n ffurfiol ar sail flynyddol ei fod yn fodlon gyda strwythur, cynnwys a gweithrediad y polisi hwn.

Atodiad A

Yn y tabl isod ceir enghreifftiau o wahanol fathau o waith y gellid gofyn i'r archwilwyr allanol ei wneud. Ni fyddai'n ymarferol cynnwys yr holl wasanaethau a ddarperir ganddynt ac felly yn y tabl isod nodir y nodweddion sy'n gyrru dosbarthiad gwasanaethau i'r gwahanol ffrydiau gwaith. Bwriedir y tabl hwn i ddarparu enghreifftiau dangosol o'r ffordd y byddai'r polisi hwn yn cael ei weithredu pe bai'r Brifysgol yn gofyn am gymorth ganddynt.

	Statudol ac yn gysylltiedig ag archwilio (Dim angen cymeradwyaeth y pwyllgor archwilio, oni bai ei fod dros £25K)	Gwasanaethau'n gysylltiedig ag archwilio ac aswiriant ac ymgynghori ar wahân i archwilio (Prosiectau sensitif angen cyfeirio heb de minimus)	Prosiectau nas caniateir
Nodweddion	<ul style="list-style-type: none"> Cyngor ar feysydd sy'n greiddiol i'r archwiliad o'r datganiadau ariannol 	<ul style="list-style-type: none"> Angen asesiad gwrthrychol annibynnol o wybodaeth neu weithdrefnau Secondiadau staff o dan lefel uwch reolwyr Gwasanaethau ymgynghori eraill 	<ul style="list-style-type: none"> Cyfranogi mewn rheoli neu risg clir o hunan-fudd, adolygu neu eiriolaeth
Caffaeliadau / Gwarediadau	<ul style="list-style-type: none"> Dim 	<ul style="list-style-type: none"> Dilysrwydd dyladwy a chyngor cysylltiedig Archwilio cyfrifon cwblhau Cytuno ar addasiad pris o ganlyniad i'r cyfrifon cwblhau Cyngor ar weithgareddau integreiddio Paratoi rhagolwg o gynigion buddsoddi 	<ul style="list-style-type: none"> Gweithredu'n uniongyrchol i'r Brifysgol wrth negodi gweithrediad masnachol
Gwasanaethau Archwilio Mewnol a Rheoli Risg	<ul style="list-style-type: none"> Dim 	<ul style="list-style-type: none"> Darparu sgiliau / hyfforddiant arbenigol Cyngor ar fethodoleg a systemau Cyd-gyrchu Cyngor a chynllunio polisiau, systemau neu weithdrefnau 	<ul style="list-style-type: none"> Contractio'n allanol yn llawn Rhoi systemau ar waith
Trethi	<ul style="list-style-type: none"> Dim 	<ul style="list-style-type: none"> Paratoi adroddiadau drafft Cyflwyno adroddiadau a gohebiaeth gydag awdurdodau treth Cyngor ar faterion treth Prisio trosglwyddiad Prisio at ddibenion treth 	<ul style="list-style-type: none"> Paratoi adroddiadau cyfrifyddu ar gyfer treth Ymdrin â thaliadau treth
Aswiriant a Chyfrifyddu Cyffredinol	<ul style="list-style-type: none"> Ardystio Grantiau Cyngor ar baratoi cyfrifon a chymhwyso safonau cyfrifyddu 	<ul style="list-style-type: none"> Hyfforddiant ar gyfer prosiectau cyfrifyddu a rheoli risg 	<ul style="list-style-type: none"> Paratoi adroddiadau cyfrifyddu a gwasanaethau cadw llyfrau Paratoi gwybodaeth ariannol